

遊吳興山水清遠圖記

趙孟頫

昔人有言吳興山水清遠非夫悠然獨往有會於心者不以爲知言南來之水出天目之陽至城南三里而近滙爲玉湖汪汪且百頃玉湖之上有山童童狀若車駕者曰車蓋山繇車蓋而西山益高曰道場自此以往奔騰相屬弗可勝圖矣其北小山坦迤曰峴山山多石草木疎瘦如牛毛諸山皆與水際路繞其麓遠望唯見草樹緣之而已中湖巨石如積坡陀磊砢葦葦聚焉不以水盈縮爲高卑故曰浮玉浮玉之南兩小峰參差曰上下釣魚山又南長山曰長超越湖而東與車蓋對峙者曰上下河口山又東四小山衡視則散布不屬從視則聯若鱗比曰沈道藏輯要

天下名山記
浙江清遠趙

圭

軫集二
川三友

長曰四余曰蜀山曰烏山又東北曰毗山遠樹微茫中突若覆釜玉湖之水北流入於城中合茗水於城東北又北東入於震澤春秋佳日小舟泝流城南眾山環周如翠玉琢削空浮水上與船低昂洞庭諸山蒼然可見是其最清遠處耶